

als wenn man ein Honig / Zucker / oder einen
 andern Saft der vegetabilien mit Wasser
 reinigen wil / vnd Eyerweiß darunter rühret /
 welches den Schlamm des Honigs oder Zu-
 ckers zu sich ziehet / vnd dieselbe clarificirt vnd
 reinigt. Also seynd alhier die silices an statt
 des Eyerweiß / vnd das H an statt des Was-
 sers / damit das ♂ / ♀ / oder ♀ solviret wird.
 Ist gar ein lustig vnd geschwinde Arbeit / vnd
 köndt ein Grosses damit in kurzer Zeit gewon-
 nen werden / wenn die Tigel darzu halten wol-
 ten / denn das H glett durchbohret dieselbe gar
 leichtlich vnd läst die mixtur durchlauffen.
 So aber jemand so glücklich wäre / der solche
 Geschirz erfinden köndte / welche das vitrum H
 nur 10. oder 12. Stund halten köndten / der
 dörfte sich vmb kein ander Kunst beküm-
 mern / reich dardurch zu werden. Ich habe
 das Glück nicht haben können / wiewol ich mich
 nun viel Jahr darmit geschleppet vnd doch
 nicht finden können. Es gibt ein lb ♂ / ♀ oder
 ♀ / bißweilen ein halb oder auch wol ein gan-
 zes Loth Gold / wenn man recht damit vmb-
 gehet / vnd so man ein fire Sal tartari oder nur
 Pott. Aschen darzu gebrauchet / gibt es noch
 mehr / lauffen aber auch die Tigel desto eher
 auß / welches zu beklagen ist. Ich zweiffelte aber
 nicht es werde noch ein oder ander / der zu su-
 chen vnverdriesslich ist / mit der Zeit so viel fin-
 den /